

十朝东华录

咸丰朝

第九卷
第九册

秋七月己酉朔諭內閣給事中袁甲三覆奏定郡王載銓廣收門生一摺據稱載銓曾繪息肩圖一卷題詠甚多凡屬門生皆係師生稱謂著載銓將所繪息肩圖即行呈進○李芝昌因病賞假以王懿德兼署閩浙總督
由福建巡撫署辛亥諭內閣徐廣縉奏勦辦波山艇匪全股殲除一摺波山艇匪竄擾潯梧一帶人眾船多爲日久茲經徐廣縉督飭高廉道沈棟輝參將劉開泰等帶領兩省兵勇於上下游合力夾攻三次獲勝該匪駛至蒼梧縣屬之戎墟江面參將崔大同候補知府郭超凡等督帶兵勇乘風迎擊奮勇爭先生擒賊匪二百三十二名擊斃及淹死者約計一千餘名此股艇匪業已殲滅無遺該督徐廣縉調度有方深堪嘉尚著交部議敘仍飭上下游各州縣接查餘匪勿畱餘孽所有在事出力文武員弁著查明據實保奏候朕施恩○廣西巡撫勞崇光奏
臣於六月初九日接據署馬平縣知縣李燦稟初二日有外來土匪千餘人在縣境四都大發一帶滋擾當即飛調慶遠協官兵二百名馳懷營官兵一百名並由省派員管帶川勇二百名兼程馳剿茲於六月十五日據代理柳州府知府羅福泉稟該匪糾集人數甚多勢益猖獗初十日夜直撲營盤官兵整隊出敵斃賊數百名因眾寡不敵署知縣李燦署守備舒曾謀力竭被害
臣又由省城添派守備甘鍾棠千總萬明魁等帶兵千六百名奮勇勦洗務將此股悉數肅除陣亡之李燦舒曾謀請交部從優議卹
上諭廣西馬平縣土匪攜帶礮械在縣境四都大發一帶地方滋擾經該署知縣李燦會同營員帶領兵勇往勦在喇堡地方力竭被害此股土匪突起滋擾拒捕戕官殊堪髮指著徐廣縉勞崇光督飭派往員弁並地方文武各員合力勦洗務將戕官各犯按名拿獲匪黨悉數殲擒所有陣亡之署馬平縣事准補修仁縣知縣李燦署左江鎮右營守備事中營千總舒曾謀均著交部從優議卹其見無下落各員弁及傷亡兵勇均著確查覆辦○諭軍機大臣等前有旨令陸建瀛楊文定督同臬司倪良燿將浙省漕糧設法催遣
臣辦本日據椿壽奏浙漕礙難海運見擬籌辦變價等語本年浙江漕糧已運且據稱抗嘉湖三府米多價賤銷售恐形壅滯如以賤價變糶致使正供漕糧竟同虛擲辦理亦未妥善
臣楊文定會同椿壽督飭江蘇臬司倪良燿體察情形如運河照常行走即行迅速提催不准逗遛觀望儘須變通辦理或行海運或議變糶均著通盤籌畫迅定章程奏明妥辦總期漕糧不致折耗毋得藉詞推諉再有貽誤將此諭知陸建瀛楊文定椿壽並傳諭倪良燿知之○徐廣縉奏賊匪踞道州於六月初八日匪夥二千餘人忽入江華縣境勢將南竄查江華屬廣東之連州陽山廣西之富川賀縣毗連而賀縣地面無重兵防堵尤爲可慮見先將
臣隨營潮勇千名委員帶往駐守所有前派往潯州兵勇已飛飭高廉道沈棟輝督帶迅來梧州酌量撥往富賀兵力稍厚庶可不致疏虞廣西一省糜爛已久伏戎遍地又有散遺各處壯勇沿途滋擾惟有設法次第肅除以冀肅清邊圉
上諭徐廣縉奏道州逆匪於六月初八日分夥二千餘人入湖南江華縣境該縣與廣東之連州陽山廣西之富川賀縣俱相毗連先據該督咨廣東督臣壽在陽山連州一帶防堵並調集船隻嚴紮封川江口遏匪下

竄之路是廣東籌防尚屬周密至廣西之富川賀縣距江華甚近防堵尤關緊要該督先經派委員弁管帶湖勇一千名扼要駐守見復飛飭高廉道沈棟輝迅赴梧州酌撥兵勇前往嚴防見在波山艇匪雖已剿除而土匪尚未淨盡且江華股匪意圖南竄必須迅速堵剿先其所急著徐廣綬會同勞崇光向榮即飭令得勝將弁兵勇前往富賀一帶遏賊回竄之路或乘勢直抵江華縣境與湖南將弁腹背夾攻殲除竄匪則道州逆匪亦必聞而膽落想該督等通籌全局不至顧此失彼其廣西游匪土匪與散遣兵勇沿途滋擾均宜次第剿捕著徐廣綬等飭令各府屬督同練勇迅速堵剿總期邊圍肅清不留餘孽將此由六百里諭知徐廣綬勞崇光並諭令向榮知之○諭徐廣綬奏道州逆匪分竄江華縣境等語湖南道州西南各路先經竄向阿泰明分派劉長清王家琳鄧紹良等各帶重兵分扼要隘堵剿而鄧紹良由甯遠進紮水南統帶兵勇二千七百餘名兵力亦非單弱應與和春合力圍剿俾該逆坐困孤城剋期投首乃據徐廣綬奏稱六月初八日該逆分夥二千餘人已入江華縣境勢將南竄其如何突圍出走情形未據該大臣等馳奏朕心懸念實深江華與廣西富川賀縣接界一經竄回賊蹤必將復熾本日已諭知徐廣綬派員馳赴該處防堵第廣西兵勇多已調赴湖南惟有截其南竄之路分飭諸軍與粵省兵勇合力夾擊令首尾不能相顧或可得手至該匪大隊是否尚踞道州既有竄逸之眾難保其不四出衝突竊伺衡湘是東北各路尤為緊要孫應照鎮守甯遠如不得力該大臣等即隨時酌度情形密籌援應萬不可稍有疏虞致衡永兩郡繚擾震驚也前據該大臣奏我軍四面據河以守該逆不能竄越較永安地面圍守較易何以該匪分竄江華是否見在布置尚未周而著該大臣與該督督飭各路帶兵大員嚴密圍堵設法攻剿迅速籌辦慎勿遷延坐甲再失機宜將此由六百里各諭令知之○壬子諭內閣昨據袁甲三參載銓恆春書元各款業經各自具摺回奏科道各官例得風聞言事然事有確據朕必嚴辦若以無據之談或暗受指使任意污毀其居心更不可問矣即如所參書元於朝會之地每見載銓必疾趨請安詢爾經額於差次向載銓雙膝請安及書元在刑部負氣爭辨伴有帶刀入署保奏文秀等語是否該給事中目見抑係聞自何人事關大員名節若非確實查辦何以折服其心著袁甲三將傳自何人一一明白回奏無論堂司官俱應指實不准稍有實不盡其餘所陳各款如果確有憑據著一併回奏○諭本日書元明白回奏一摺未將赴載銓府第與恆春相送一節敘及至召見奏對之言何以向外人漏洩著一併再行明白回奏○裁貴州綠營通額兵三千九百九十二名○癸丑諭內閣本日袁甲三明白回奏一摺據稱訥爾經額於差次向載銓雙膝請安一節係聞之御史端昌云其弟彥昌所目親又書元收受文秀銀兩一節係聞自前署刑部侍郎曾國藩前任刑部郎中吳廷棟見任刑部郎中吳德清等語著派大學士裕誠會同軍機大臣傳到該員等當面詢具奏除曾國藩見出試差外著直隸總督飭令吳廷棟迅即來京聽候查詢○賽尚阿程高不奏○賽尚阿於六月朔一日馳抵永州體察地勢賊情知賊自竄越楚境各處土匪響應者轉較粵西為多道州四面賊踞而州城附近地皆平坦我軍圍剿難辦一俟抽調新兵陸續到來兵力加厚然後可以銳力圍攻道州四達之衝東北面係道衡永正路和春等大營兵力稍厚

前已分出兵勇二千餘名交劉長清會合所帶粵兵提勇等專紮西路見又分出楚滇兵提勇等六千餘名交常祿帶領與鄧紹良等兵勇由甯遠進紮南路初八日突出千餘由岑江渡竄走係往江華之路和春當即會督鎮將派兵出隊於五里亭一帶施放槍礮該逆出巢迎敵與我兵相持甚久始復退回又據江華縣逃出弁兵人等報稱初八日逆匪分股詐稱潮勇闖入江華縣城約數百人城內僅有永綏防兵及壯勇三百名永州鎮標遊擊秦武林永綏協千總王士凱督同弁兵急開槍礮迎敵秦武林左腳爲賊矛傷江華縣知縣劉興桓被害室妾同時自盡等語等查永明切近江華刻下情形危急當由臣賽尙阿飭和春派劉長清迅帶兵勇馳由永明赴江華援剿並於永明留兵數百以固城守見據和春稟覆劉長清已奉飭前往且派定南路兵勇由常祿統帶於本月十一日移營由白馬渡河分兵三路進攻並於五里亭樹林內設伏以爲後應和春督率兵勇先開槍礮誘賊出巢該逆旋出二三千人分兩路撲來總兵經文裕李瑞奉定三王錦繡候補同知直隸州江忠源各帶兵勇亦分兩路迎擊和春居中調度槍礮連環進擊各路兵勇合力夾攻該逆敗走常祿等所帶兵勇卽於是日移營南路十四日和春仍分成出隊先於五里亭開礮誘賊該逆伏匿不出我兵漸逼漸近槍礮齊發斃賊多名該逆擁出千餘人我兵奮力壓下又斃賊數十名等語等查道州四路紛歧我兵不敷攻剿而該逆乘虛竄由西路徑撲江華句連土匪以致縣城失陷臣賽尙阿程肅宋均未先事豫防臣駱秉章亦有地方之責均請旨交部議處江華縣知縣劉興桓於縣城失陷臨難捐軀深堪嘉憫應俟將在城官弁查明一併奏請恩卹其遊擊秦武林以拒賊身受重傷是否屬實已飭由江藍廳同知就近查驗並確查該員有無臨陣退避及藉詞遁出各情報明辦理仍一面檄催江西河南陝西四川各省續調新兵星速前進庶幾兵力厚集得以迅速厥功又奏據永明縣知縣常連稟本月十三日夜賊千餘由江華道州兩路直撲永明縣城失守劉長清隨帶兵勇往紮富川縣交界等查江華失守後永明情形危急專委該革鎮劉長清帶兵由永明前往援剿原以兼顧該縣城守該革鎮帶兵行抵該縣地方已聞城池被陷卽當乘勢進攻以圖克復乃繞赴鄰縣地方坐視城池失守轉於遠處紮營實屬畏葸無能相應請旨將已革總兵劉長清革職開缺解永州嚴訊辦理臣賽尙阿督領今師調度失宜應請旨交部議處提督銜總兵和春北路堵剿未能先事妥籌應請旨一併交部議處見已派弁持令嚴催劉長清所統副將明安泰遊擊蕭達春都司米興朝等管帶川粵湖南官兵迅速前赴江永一帶剿匪總兵馬龍見在廣西省城業經臣賽尙阿飛札調由恭城取道永明接統劉長清兵勇俾資進剿並可堵截逆匪分竄之路刻下逆匪大夥尙在道州城內仍嚴飭和春常祿等極力攻剿至永明縣常連所稟劉長清種種引避情節如果屬實必當從嚴懲辦惟該令常連係守土之官是否藉詞請兵擅離城守亦須確切查訊應請將常連一併革職拿問俟劉長清解到提同質審明確按律定擬上諭賽尙阿程肅宋奏道州賊匪分股句結土匪竄入江華縣城一摺又另片奏賊匪復撲永明縣城失守等語該匪於旬日之間連陷兩城殊堪髮指地方文武何以毫無準備帶兵大員何以不急籌援救且江華失守後劉長清帶兵已抵永明正當乘勢進攻乃繞赴遠處紮營實出情理之

外已革總兵劉長清著即革問永明縣知縣常連係守土之官輒以請兵爲辭擅離職守著一併革職革問交賽尙阿程喬采嚴訊定擬具奏資尙阿程喬采略秉章和春著一併交部議處該大臣等見已札調總兵馬龍帶兵由恭城取道永明並派副將明安泰等帶領川粵各兵前赴江永一帶進剿著即嚴飭各鎮將舊勇攻擊迅圖克復勿令賊匪再有蔓延○諭軍機大臣等賽尙阿程喬采奏賊匪分股肆擾江華永明二縣先後失守摺片各一件逆匪踞道州以來各處土匪多爲勾結見既分股撲入江華永明二縣勢必四出衝突其南竄廣西之路固應嚴防而北路衡永一帶尤關緊要儻稍有疏虞致該匪乘間竄越剿辦更覺費手著賽尙阿程喬采督飭帶兵各員於水陸要隘沿途層層布置嚴密堵截毋稍大意提督向榮前已有旨飭令任事如永州一帶見在情形緊急有須該提督帶兵協剿之處著賽尙阿酌量札調廣西提督印務即知會徐廣縉派員署理其潮勇與鄉民互鬧致將委員李春華傷斃並著會同略秉章嚴行查究所有續調各省官兵著即飛催來楚軍餉已飭部籌備俟解餉過境時仍遵前旨遣派弁兵妥慎防護又據賽尙阿奏粵西剿捕事宜難以兼顧一摺廣西軍務前已諭令徐廣縉勞崇光會同商辦以專委任所有賽尙阿經手未完各事及歷次保奏未經查覆者均著徐廣縉勞崇光詳細確查奏明分別辦理其有交涉楚粵兩省事務仍隨時互相知照以免歧誤將此由六百里諭令知之○予湖南江華守城殉難知縣劉興桓祭葬世職○調福建建兵三千名赴湖南剿賊○疏濬西陵河道溝渠○乙卯諭內閣陸建瀛奏請截留江廣尾幫漕米備賑並催趨幫船北上等語本年湖南省起運漕米十二萬六千四百餘石尚未行抵江甯著即照數截留作爲江南賑需其不敷之處著於江西尾幫內截留山東賑米著於江西最後各幫內照數截留應在何處交卸著該督撫轉飭各該藩司酌定交該糧道等遵辦見在江西省幫船已經渡黃者六百九十九隻其在前各幫並著嚴催跟接首進之江安湖北各幫連橋北上毋得藉口截留米石及運道艱滯任意耽延致千重咎至已經渡黃之銅鉛船隻亦即催令插檔隨漕北上以免起卸之煩○丙辰諭內閣稽壽奏控獲郵縣梟徒首要各犯地方安謐一摺據稱郵縣梟徒以俞能實爲主謀首惡與張潮清狼狽爲奸又有該犯族人俞武相爲羽翼經該署撫督飭司道派令署甯波府知府畢承昭署郵縣知縣段光清等先將張潮清拿獲俞能實俞武相並夥黨一百餘犯仍潛伏石山街經該府縣委員營弁督帶兵勇會合東鄉紳民圍練馳往圍拿獲俞武相及俞能實張潮清等犯家屬起獲器械六十八件六月十一日探知俞能實貴在奉化焦坑地方廟內潛匿該府縣立即會同委員營弁帶兵往拿當將俞能實擒獲地方一律安謐辦理尙爲安速該梟匪等糾眾戕官實屬罪大惡極著該署撫即將首要各犯提省嚴行審訊盡法懲辦以伸國法而儆刁頑在逃各犯仍飭該府縣督率紳民悉數緝獲毋留餘孽○諭軍機大臣等據給事中袁甲三奏請爾經額本年二月於隨扈差次行宮門口趨見載銓雙膝請安等語是否實有其事著該爾經額據實明白回奏將此諭令知之○以福建疏縱官犯脫逃應奏不奏革前任總督劉韻珂巡撫徐繼畲職總督李芝昌等降級留任○丁巳諭內閣龔裕奏公安縣地方被水較重見飭勦辦一摺另片奏大治等州縣被水情形本年湖北省荆江泛漲公安縣地方疊

被淹浸又因上游支隄漫潰水勢驟漲高過縣城所築子埕搶護不及將縣城西南角漫缺衝署監倉均被淹沒覽奏實深軫念見經龍裕飭令該管知府就近確勘著卽迅速查明被災情形動用司庫銀兩妥爲安撫其被水較輕之大治等十四州縣之貧民一併查勘撫恤毋令一夫失所所有被水各州縣如何設法疏消本年應徵錢糧應行分別緩徵均著確查具奏仍查明公安江陵潛江等縣隄工是否因漫致潰據實參奏○己未諭內閣兵部奏請將八旗及各省駐防官員告休定例改歸畫一等語定例緣營官員凡遇軍政之年不准告病乞休八旗則例雖無專條向俱照綠營辦理惟各省駐防多有臨考告休仍請食俸者辦理殊未畫一嗣後各省駐防旗員均著與在京八旗按照綠營定例如有於軍政之年告病乞休者卽行勒令休致其出兵受傷非在三處以上亦不得題請給俸以杜規避而免歧異該部卽纂入則例永遠遵行○徐廣緒葉名琛奏羅境逆匪凌十八負隅抗拒六月初一初二等日經總兵福興等派隊進剿計斃匪夥十五名生擒九十五名嗣探得逆匪之弟凌三十八住宿鬼子埕礮臺時值四更卽令嚮導先行兵勇一路隨入徑登礮臺擒斬二名凌三十八受傷敗走福興等於初八日夜復遣兵勇帶同眼線齊抵該處將全軍分作三層共爲十五隊星羅棋布宗元醇進南門彭舒萼吳昌壽進駐椽子山李敦業進駐石皮灣天將黎明卽分東西中三路齊撲入墟我軍勇氣百倍都司姚麟督帶外委戴文英等由岡頭寨至鬼子埕攻破礮臺七座放火焚燒首先入墟該逆凌十八跳入塘內渡水逃奔勇目馮日坤等越過短牆乘勢將凌逆首級砍落戴文英等生擒造言煽惑商同謀逆之犯婦陳葉氏一名焚燒榕樹根等處礮臺二座凌三十八由礮眼突出經兵勇割取首級候選千總孔繼堯等力關險要各隘直搗中堅焚燒礮臺十二座斬擒甚眾各營弁兵繼入西墟生擒逆犯之父凌五超一名分路進攻破壁直入擒殺無算東路派委都司黃曜吉等率同壯勇攻破東塘口外礮臺首先入墟賊之頭目凌十三張城惠黃非蔭彭位萬羅萬勝張純詳黃明受莫汝蒿李汶盛葉林生梁起波一併生擒自丑至午東西兩路生擒匪犯二百六十八名呈驗首級一百六十七顆殲斃一千一百餘名焚斃屍身八百餘具奪獲槍礮器械無數查凌十八自道光二十九年任廣西金田拜上帝會往來信宜蹤迹罪定係著名會匪與洪秀泉等同惡相濟擾及兩省荼毒夏著此股既除縱有不逞之徒皆已膽寒骨慄至總兵福興親臨督陣正值風雨交加之會躍馬直入賊巢壓地墊傷仍復力疾前進洵屬謀勇兼施所有在事文武尚各著有微勞容臣等查明保奏至各會匪起於金田迨分股竄出後其勢已成力不能制經過各該州縣尚能嬰城固守力保無虞及至大兵雲集復又協同堵剿所有該管地方文武功過似可准其相抵請免置議上諭徐廣緒葉名琛奏勦辦羅境逆匪擒斬首逆全股蕩平一摺覽奏深慰朕懷此股匪徒與洪秀泉會匪聲勢相倚擾及兩省抗拒一年之久實屬罪大惡極經該督撫等先後籌剿不遺餘力得以掃數殲擒洵足伸國法而快人心所有在事出力各文武首尾一年前後幾及百戰殲擒六千有奇皆能同心協力滅此兇頑洵屬著有勞績著卽確切查明據實保奏候朕施恩至該匪起自粵西竄入東省各州縣尚能保守城池又復協同堵剿該管地方文武各官功過向足相抵著免其置議○諭春熙奏匪竄擾卡倫見已

堵逐出十一摺此次夷匪竄擾卡倫雖經援兵當時擊退該守卡官弁不能先期警備以致焚燒房屋傷斃官兵均有應得之咎守備崔萬清把總馬鈞著與失於防範之副將恆安一併交部分別議處春熙著交部議處所有被傷陣亡之兵丁著該大臣查明咨部請卹諭軍機大臣等本日據春熙奏夷匪鐵完庫里霍卓於六月初六日竄擾烏什畢底爾卡倫經春熙先後派委本城駐防副將恆安守備崔萬清把總馬鈞等帶領兵丁並飭伯克帶領回兵分別堵捕賊匪先因守卡弁兵睡熟偷進卡倫乘風縱火焚燒卡房傷斃官兵旋經援兵接應賊始退出等語見在該匪是否遁逃抑仍在卡外游奕內地回眾是否不至被其煽惑旬引著布彥泰於行抵葉爾羌時與德齡嚴密偵探賊眾多寡並賊首藏完庫里究係何處回子何以有霍卓名目查明具奏春熙照片奏擬請酌派葉爾羌官兵等語著德齡即選派精兵先後密咨該城以便調用仍著布彥泰酌量情形密偵嚴防務期弭患未然不可稍涉張皇原摺片著鈔給閱看將此由五百里諭令知之○諭札拉芬奏奏請酌減文武官員養廉一摺朕思邊疆重地該大臣等歲支養廉一經裁減僮將來不敷辦公轉得有所藉口致滋流弊所請酌減養廉之處著不准行至各省督撫提鎮等官養廉俱係辦公要需若驟議裁減亦屬有名無實著無庸議將此諭令知之○以剿平羅境逆匪加總督徐廣縉太子太保巡撫葉名琛總督銜賞總兵官福興巴圖魯名號○庚申諭軍機大臣等昨據徐廣縉葉名琛奏剿辦羅境逆匪全股蕩平現在道州逆匪分竄江華永明賊勢日熾所有羅境軍營弁兵除應酌留若干按查餘匪外著徐廣縉葉名琛迅即選派得力將弁督帶該處獲勝之兵勇馳往湖南軍營協同圍剿可期得力總兵福興能否飭令統兵前往並著酌量派委仍咨明欽差大臣賽尚阿湖廣總督程元奏查照調遣其經由路徑或從廣東徑赴湖南或從粵西間道馳赴兵貴神速想該督撫定能妥善辦理也將此由六百里諭令知之○以萬青黎為禮部右侍郎_{由內閣學士遷}○貨湖南臨武營兵丁倉穀○辛酉賽尚阿程元奏六月十五十六至二十三等日常祿和春等由五里亭龍安礮兩家鋪節節進剿斃賊無數二十五日和春督率兵勇並約西南兩路進攻道州北路直逼賊營賊仍不出官軍分三路環攻忽於二十五日夜三更賊由州城乘夜竄由四眼橋小路全數遁逃查四眼橋係道州至甯遠藍山之路並可通永州郡城和春刻即拔營進剿知會常祿立即帶兵前截後追並派鄧紹良瞿騰龍等兵勇星馳繞赴四眼橋前路並護甯遠縣城旋據總兵孫應照甯遠縣知縣劉如玉等稟賊由四眼橋竄至該縣之水打鋪鄧紹良兵勇趕至天堂墟賊不敢近逼縣城竄往下灌和春帶兵追賊至司馬星地方仍即拔營前進一路擒獲賊匪數十名立即訊明斬首又據探報永明縣逆匪業已遁走江華賊匪亦回至永南兩縣城賊無多和春已札催明安泰虎嵩林等督帶兵勇速赴該兩縣相機收復此次和春及鄧紹良瞿騰龍等追兵尙屬迅速賊已不敢窺伺甯遠徑由水打鋪竄下灌地方屯紮查下灌路通嘉禾藍山賊蹤現在游弋靡常各路均須備禦臣賽尚阿派札鄧紹良瞿騰龍等迅由甯遠馳赴嘉禾明安泰軍迅由江華馳赴藍山兩處堵剿賊如再從兩縣越過則郴桂所屬及常甯新田各皆喫緊亦飭該將等隨時探明繞前堵截臣賽尚阿見駐永州府城程爾奏見在衡州足資鎮壓該處為通省咽喉地方尤為

緊要擬將續調新兵暫留以振軍威隨時探聽賊蹤指撥防剿查此次賊之分股由江永遁歸道州實係和春常祿南北兩路進剿嚴緊賊勢難支始由小路全股竄竄惟七里江四眼橋係屬南路應由常祿分兵駐守賊既由此夜竄等未便因其疊獲勝仗稍事姑容相應請旨將總兵常祿交部議處上諭內閣逆匪竄踞道州我兵四面攻剿自六月十五日以後總兵常祿等疊次攻擊連獲勝仗賊勢不支遂於二十五日夜逃出州城由四眼橋小路全數遁逸其永明江華賊股亦於二十三、四、五、日棄城遁去同至水南欲圖併力奔竄我軍追捕迅速該逆不敢窺伺宵遠徑由水打鋪竄往下灌屯聚游弋竄向阿見已札飭鄧紹長瞿騰龍等分路堵剿郴桂一帶亦飭一律堵截著賽尚阿等嚴督將士及各地文武員弁合力兜剿一路殲擒毋得再任擾竄城池致滋勾結此次賊由小路竄出係屬總兵常祿分兵駐守之所咎實難辭常祿著交部議處○諭軍機大臣等賽尚阿等奏連獲勝仗逆匪全股逃竄見在嚴督追剿一摺布置向為周妥惟賊蹤靡定詭譎異常難保不再從嘉禾藍山越過東窺郴桂等屬及常甯新田等處為北竄衡州之計該大臣等務當督飭各鎮將於水陸要隘設伏嚴防毋令伺隙奔竄衡州為省垣屏障程喬采駐紮該郡人心所繫不可稍有搖動尤須嚴飭文武兵勇加意防守杜賊北來之路毋誤事機省垣重地亦須鎮靜彈壓嚴密守禦不可稍涉張皇該大臣駐守永州足壯聲威趁此賊勢散逸之時嚴飭各路帶兵大員合力兜剿前截後追庶可一鼓蕩平昨據徐廣緒葉名琛奏羅境凌十八股匪殲擒淨盡已諭令選派得力將弁乘勝帶兵馳赴湖南協剿刻下各省續調精兵計亦陸續到齊兵力不為不厚亟望該大臣等速殄醜類綏靖嚴疆慎勿老師糜餉再有疏虞也查奏守城出力各員摺內據稱副將瞿騰龍鄧紹良守禦最為出力何以此次保舉單內未經列入或因三月間鄧紹良已得優敘瞿騰龍已賞勇號不須再保即著查明覆奏前據御史陳慶鏞奏請嚴申軍法一摺著該大臣查照摺內所陳各情酌量辦理原摺著鈔給閱看將此由六百里諭知賽尚阿程喬采並諭令略秉章知之尋奏瞿騰龍等守城有功已邀恩獎不復再行開列報聞○諭常大清奏湖南岳州府為湖北全省屏障見擬親赴該處查看情形督同府縣及紳士等籌備防堵酌定章程等語兩湖交界地方犬牙相錯自應不分畛域扼要設防據稱岳州紳士吳巽行方宗鈞等才略可用著即密向咨詢與地方官妥籌布置其由武昌至岳州所過地方水陸各要隘應行察看設備之處並著豫為籌辦毋稍疏虞將此諭令知之○以廣西官紳守城擊賊出力賞在籍翰林院侍讀龍啟瑞御史朱琦等花翎復已革提督向榮職餘升敘有差○王戊諭內閣前據陸建瀛奏請截留湖南及江西尾幫等漕米作為江南山東賑需當經降旨准行並飭嚴催渡黃各幫跟接北上茲據李德奏稱山東湖河盛漲漕船難以趨運若俟秋後水落再行綽挽北上必誤回空請將已入東境之漕船概行截留以備東省賑米之用其在後渡黃各幫行至江南就近截卸除留備兩省賑米外餘米均在沿河散回俟豐工合龍雇船起剝運通等語截漕備賑事關緊要豈容稍有延緩著戶部查覈該督撫等前後陳奏各情形相應截留何幫漕米以濟急需迅速定議奏請遵行毋任兩省各執己見致有貽誤至沿河散回及雇船起剝各事宜有無窒礙之處著該部一併速議具奏○撥山東海疆經

費銀給廣艇水勇工食○癸亥諭內閣陸建瀛奏湖北督運道員等耽延阻滯請飭漕運總督速催趲行等語本年豐工未合運道未能疏暢自與往年情形不同然漕船果能依限開行該漕督及糧道等於盛漲以前實力督催設法挽運何難跟接北上乃自有截漕變價之議朕觀諸臣會奏即有藉詞觀望之意是以疊降諭旨令該督撫等趕緊催趲不得以截漕漕米運道艱滯藉口遷延茲據陸建瀛奏稱湖北糧道龔綬及押運同知誠意自四月行抵瓜口沿途耽延兩月經該督嚴飭始肯渡河猶復節節逗遛以致江西全幫阻壓似此任意延玩不知是何居心豈視天庾正供竟可虛擲河干該督撫等應即督飭各屬嚴飭始肯渡河猶復節節逗遛以致著楊殿邦飭令該員等督押幫船飛挽前進如再延誤惟該漕督及該糧道等是問○諭軍機大臣等徐廣縉奏辦理廣西勦堵各事宜並量裁省局各摺片前因廣東羅境逆匪蕩平諭令徐廣縉某名琛選派得力將弁管帶獲勝兵馳往湖南軍營協同圍剿並諭令酌派總兵福興統兵前往茲據該督奏稱已飭福興統帶精兵二千名前赴廣西就近將鬱林一帶土匪迅速剿滅等語自係為先除本境匪徒兼資防堵起見惟湖南道州及竄擾江華永明賊匪昨據賽尙阿等奏全股東竄徑由水打鋪竄至下灌地方屯紮見在柳桂剿辦喫緊之際且恐各省續調之兵未能到齊衡永兩郡情形甚為緊要該督仍當悉心體察隨時偵探如楚省急需援應即派福興統兵迅由間道馳往協剿務須先其所急速殄羣醜無誤事機另片奏量行裁減省局支應一節所見甚是即著照所議嚴實辦理仍移咨勞崇光確切查覈從前辦理糧臺官吏紳民等有剋扣冒領等弊即著從嚴參辦至湖南軍餉近又請撥三百萬兩已由戶部籌撥一百五十萬其餘另行籌款陸續撥給見在兩粵地方漸就廓清惟此股逆匪勢尚猖獗不得不厚集兵力以期一鼓殲除而籌款維艱且慮緩不濟急朕心實為焦灼著徐廣縉某名琛於廣東省設法籌畫無論關稅錢糧及正雜各款或於商棧暫行通融如湖南待用甚急即迅速酌撥以濟要需諒該督等必能統籌全局以紓朕念將此由六百里諭知徐廣縉並諭令葉名琛勞崇光知之○諭前據奕山布彥奏奏葉爾羌三品阿奇木伯克同子郡王愛瑪特呈控該大臣各情並德齡倭仁奏該伯克訛索回莊各款及春熙奏夷匪鐵完庫里霍卓竄擾烏什畢底爾卡倫經官兵擊退一摺疊經諭令布彥奏前往葉爾羌查辦茲據奕山等奏愛瑪特二次遣人投遞呈詞鈔錄呈覽著布彥泰仍遵前旨迅即馳赴葉爾羌將德齡所參及該伯克歷控各情秉公確查逐款研訊是否該大臣等參辦不公抑係該伯克藉詞挾制據實覈辦毋稍遷就至夷匪鐵完庫里先擾喀什噶爾旋即竄至烏什雖經官兵擊退見在尚未遠遁事關控制外夷撫緝回眾布彥泰久歷邊疆一切情形熟悉諒能妥籌辦理操縱得力也將此由四百里諭令知之○欽差大臣協辦大學士杜受田等奏陳辦理江南賑務情形並呈江甯布政使祁福藻所擬章程得旨該藩司所擬章程甚屬周妥卿等督辦賑務未能深悉地方情形務須責成該藩司盡心籌畫至應截留何幫米石已飭戶部速議著候部議行此旨著傳諭祁福藻知之○甲子諭內閣見在湖南軍務未竣賊蹤竄擾摩定各路帶兵攻剿需材孔亟因思滿漢各營中豈乏材技出眾足備干城之選者或因官職較卑限於資格無由及時自效殊為可惜著各該將軍都統督撫等留心簡練隨

時考察自鎮將以下無論官職大小有謀勇兼裕或材力堪任折衝禦侮者即行據實保奏候朕簡用其鄰近湖南省分如保奏之員可資軍營差遣即奏明請旨飭令該員前赴軍營聽候欽差大臣等酌量委用該將軍等其慎加遴選毋濫用副朕整軍經武之至意○諭各省設立城垣所以保衛民生盤查奸宄自應一律修葺完整方能自衛無患近聞各省府廳州縣城牆每因坍塌日久坍塌甚多地方官或將存公修築銀兩私自侵用或以經費不敷相率因循一旦有事遂至守禦無資即如廣西湖南賊匪竄擾各州縣若城垣堅固防守更可得力何至一經賊擾遽爾失守且聞各省門禁廢弛漫無稽查啟閉並不依時竟有終夜不禁出入者殊失諸奸禦暴之道著直省各督撫轉飭所屬凡有應行修理各城務須隨時設法籌辦以資保障其有官民捐貲修理者著即覈實奏請獎勵並嚴飭地方文武員弁認真查察慎司啟閉毋任宵小圖跡致滋事端將此通諭知之○貸聞粵南澳鎮銅山營兵丁被擄銀○西貢險內粵勇牌大學士士受田秉躬端正勳節直清經術淵醇體用兼備蒙 皇考宣宗成皇帝特達之知由

詞臣視學山西 特詔還朝旋入直上書房為朕講習議論十餘年中日承啟迪獲益良多嗣經海歷正卿忠勤益懋朕親政後加

太子太傅銜以刑部尚書協辦大學士特命管理禮部事務每召見時於用行政國計民生造膝敷陳深資匡弼前因豐工尚未

堵合江南山東兩省窮黎急需賑恤賁肝焦勞難安寢饋特派前往查辦疊據途次馳報東南賑務均已布置周妥念其觸暑過征

心力交瘁正切倦懷而前後奏摺中從未自陳病狀乃本日怡耳等馳奏杜受田竟以感受暑溼觸發舊患肝證於本月初九日遽

至不起披覽遺章不覺聲淚俱下悲痛實深回憶書齋景況如在目前率使陸辭情尤眷戀方冀贊襄帷幄諒論常聞詎料相聯兩

月晤對無期耶著賞給陀羅經被由驛發往加恩晉贈太師大學士入祀賢良祠即照大學士例賜卹任內一切處分悉予開復應

得卹典該衙門察例具奏並賞給廣儲司銀五千兩經理喪事靈柩回京沿途地方官妥為照料護送准其入城治喪屆時朕當親

臨奠醊用伸悲悃伊父頭品頂帶前任禮部侍郎杜堦年屆九旬猝聞此信定深悼痛著派恩華即日前往看視並賞給人蔭十兩

以資調養伊子杜翰著俟服闋後加恩以庶子補用伊孫三人均著加恩賞給舉人准其一體會試以示朕愴懷舊學恩眷優加之

至意○諭朕念杜受田之父杜堦年近九旬在京就養猝聞伊子差次病逝自必傷感逾常伊孫杜翰見任湖北學政惟伊次孫杜

翻一人在京若前往清江奔喪則伊祖杜堦膝前乏人侍奉朕心實深廕念著傳旨令杜翰即由湖北馳赴清江浦扶柩回京所有

學政關防暫交巡撫兼署杜翻即在京侍奉毋庸前往以示體恤 諭軍機大臣等據怡良楊以增奏欽差大臣協辦大學士杜受

田因病出缺一摺所有應行查辦事件即著怡良按照疊次發交各摺件督飭隨帶司員認真覈辦據實覆奏即在清江浦聽候諭

旨再赴福州將軍之任將此諭令知之○欽差福州將軍怡良等奏遞欽差協辦大學士杜受田遺摺得旨憶昔在書齋日承清誨

銘切五中自前歲春懷承大寶方冀贊襄帷幄讞論常聞詎料永無晤對之期十七年情懷付與逝水嗚呼卿之不幸實朕之不幸

也○丁卯諭軍機大臣等昨據羅繞典奏籌商省城應辦事宜一摺據稱行抵湖南省城聞江華永明桂陽州嘉禾失守賊匪見由

小路分竄下窺各處拏有奸細該前撫在省調度防禦省城南門及大小西門外樹建木城沿江之昭山龍潭灣先已設有木筏守兵各等語江華永明賊匪竄出前經資尚阿等奏明其桂陽嘉禾兩城如何失守情形未據馳報嘉禾不至桂陽僅百里北界衡州亦近儻再任其竄擾衡湘各路帶兵大員所司何事自賊匪撥入楚境各州縣紛紛失守大兵止能尾追並不能設奇要擊竄往而我亦往勢將何所底止見在賊眾是否占踞城池意圖越過永州大營直窺衡郡我兵如何截剿使賊不敢北竄該大臣等務即督飭諸軍分扼水陸要隘並飭遠近各郡縣偵獲奸細確訊賊情則剿辦更易得手其省城外木城或可禦賊矢石若賊以礮火攻撲豈不轉資賊用卽如賊踞永安道州皆用土石壘牆以禦官兵豈我兵反智出賊下耶其木筏一項亦恐運掉不靈賊匪得之適足爲梯衝之具果否適用不致貽患均著該大臣等妥籌辦理愚慮豫防固不厭精詳也將此由六百里諭知資尚阿程商采並諭令羅鏡典駱秉章知之○以李嘉端爲兵部右侍郎俞長贊爲內閣學士

由准○戊辰諭內閣前據給事中袁甲三奏參定郡王載銓刑部尚書恆春侍郎書元直隸總督訥爾經額各摺片已據該郡王等各具摺明白回奏復派大學士裕誠會同軍機大臣將該給事中回奏指出之御史端昌祭酒彥昌刑部郎中吳德清前任刑部郎中直隸知府吳廷棟等傳到查詢先後覆奏如原參載銓題升步軍統領衙門主事與查辦刑部擬補主事並奏咨刑部各案或會同部臣議結或隨時酌量辦理其訥爾經額向伊雙膝請安一節查明並無其事均無庸議惟諸王與在廷臣工不得往來交接晏奉 聖訓垂誡周詳前歲冬間朕復特降諭旨中微自應敬謹遵守乃恆春書元因審辦案件盛氣相凌俱至載銓府第私謁當時載銓既未拒絕事後又不參奏至拜認師生例有明禁據載銓奏稱於保舉之人欲以師生稱謁者不能豫爲欄阻等語均屬不知避嫌有違定例載銓著交宗人府嚴加議處恆春至載銓府中私謁並將審案節略面交已據載銓奏明乃恆春回奏率稱於扈蹕回京後從未謁見並無送給案據之事顯係意存欺飾書元初次回奏既不將私謁載銓府第一節聲敘道降旨詰問仍復含混回奏且於召見奏對之言輒屢向同堂洩漏並以相契談心曲爲解說實屬不知愼密有負委任恆春書元均著交部嚴加議處至載銓所繪息肩圖題詠甚多內閣學士載齡內閣侍讀許誦恆均係師生稱謂顯違例禁載齡許誦恆均著交部議處其題圖之潘世恩卓秉恬祁寯藻柏復周祖培麟魁吳鍾瑄黃贊湯錫齡文慶慧成富呢雅杭阿潘曾瑩潘曾綬葉名澧等亦有不合著一併交各該衙門分別議處所有傳訊各員無庸置議吳廷棟著回直隸知府署任給事中袁甲三例計風聞言事且所奏尚非盡虛惟覆奏片內所稱名節攸關難以隱忍等詞自謂白其心迹未免負氣爭辯古來諍臣警謬之風本於忠愛豈爲沽名若將該給事中加以譴責恐言事諸臣誤會朕意率安緘默殊非朕芻蕘必採之本意嗣後科道等官惟當各秉公忠靖其獻納毋避嫌怨確實指陳但不得以傳聞影響之談輕率入告徒博彈劾之名也○諭軍機大臣等據給事中袁甲三奏參載銓恆春書元各摺片內稱上年刑部郎中文秀由敝虎口稅差報滿回部領送書元代土銀三百兩書元收受後當文秀未放甯紹台道之先忽一日進署於司官同事既完諭令文秀留後生以今日召見時曾經面保指日就放

文秀聞之自喜回至秋審處告知同事司官並送銀數目展轉傳播通國皆知等語除已令書元明白回奏外著王懿德迅卽飭令文秀將以上各情節逐一登覆不准稍有含混取具親供據實覆奏將此諭令知之○己巳諭內閣前因李德泰稱山東湖河盛漲漕船難行請將各幫分別截留散囤雇船剝運一摺當交戶部迅速定議茲據該部查覈議奏天庾正供關繫甚重又有截漕偷販米石京倉支放更恐不敷豈可因運道艱滯藉詞逗遛致有貽誤況各幫或經由鄆陽湖或長行大江衝風破浪皆所習慣即使微山等湖河水盛漲緯道淹沒亦當設法輓運豈有因河工未合坐視漕糧不抵京倉之理見在渡黃漕船統計一千二百十隻在後之湖南三幫見亦提近江口可見漕運地方各官如果竭力督催自不難銜尾北上豈得以一二隻偶爾失事遂任聽全幫藉口且將在前各幫先行截留則後幫皆被阻壓辦理亦未妥協著仍遵前旨江南賑米在於湖南及江西尾幫截留山東賑米在於江西最後各幫截留至沿河散囤折耗偷漏以及雇船撥價種種窒礙難行所有在後各幫仍著該漕督嚴催跟接北上京倉緊要該漕督所司何事豈得畏難苟安任令幫丁及地方官各爲私計竟置京倉於不顧耶其已入東境各船並著李德嚴飭文武員弁迅速催趨該撫甫經到任無所用其同護如該管道廳及催漕將弁查有延玩等情卽著據實參奏至運京銅鉛各船亦著一併飭催隨漕北上毋稍遲誤○諭舒興阿奏番賊滋擾被剿遠遁見飭各營嚴防一摺據稱甘肅涼州永昌協所屬口隘突有番賊多人肆出搶奪牲畜戕害弁兵經提督索文西甯鎮總兵雙銳署涼州鎮總兵崇保先後各派將弁帶兵剿捕疊次殲斃番賊數十人餘匪被追遠遁入山見在逐細搜查卡內均無賊蹤等語此次番賊出擾不過三四百人適值該提督會哨之時所帶弁兵自敷派委果能認真督率實力堵擊何難悉數殲除署總兵崇保是否耽延貽誤其稟覆該督情節與提督崇文原報不符有無捏飾著舒興阿確切查明據實具奏仍嚴飭該提督等督飭將弁隨時偵探加意嚴防一遇番賊滋擾卽行截剿務將賊賊並獲斷不可聽其出沒自由輒以追擊遠遁一稟了事也○庚午諭內閣奕山布彥奏賊匪竄入喀什噶爾卡倫官兵追剿連獲勝仗餘匪逃竄一摺喀什噶爾地方前於五月間有賊匪鐵完庫里糾眾入卡被剿竄逸當經諭令該大臣等偵探嚴防茲於六月初九日又有逆匪倭里罕糾約布魯特賊匪二百餘人自圖舒克塔什卡倫竄至小河爾圖什莊總兵桂齡帶兵往剿於初十日馳至伊斯里克卡倫賊已聞風逃出卡外十三日賊匪由伊蘭瓦斯卡倫竄撲阿爾胡莊桂齡馳赴迎擊該匪膽敢抗拒我兵槍礮齊發殲擒賊匪多名復向巴爾昌卡倫追剿斬獲甚多餘匪逃出卡外仍著督飭守卡員弁隨時偵探加意嚴防毋稍疏懈○諭軍機大臣等奕山布彥奏喀什噶爾又有逆裔帶領賊匪入卡官兵連獲勝仗斬擒多名餘匪逃竄一摺賊匪鐵完庫里先經竄入喀什噶爾旋擾烏什卡倫疊據該大臣等先後奏到降旨令布彥泰馳赴葉爾羌確查妥籌辦理此次奕山等所稱六月初九日又有逆裔倭里罕帶領布魯特賊匪自圖舒克塔什卡倫竄入經總兵桂齡等追剿至巴爾昌卡倫逃出是該匪等仍在卡外窺伺並未遠颺守卡官兵何以任其出入毫無抵禦是否疏於防範有無被賊拒傷據報賊匪二百餘人何以又稱殲斃不計其數是否回莊已被裹脅摺內俱未聲明

所稱逆裔究係某逆後裔刻下因何起釁見又竄往何處著布彥泰仍遵前旨迅速赴葉爾羌逐細詳查相機安辦並迅飭各城護
手一體嚴防務期強患未萌毋得稍形疏懈亦不可稍涉張皇將此由四百里諭令知之尋奏喀什噶爾守卡官兵均未抗拒受傷
逆裔倭里罕查係已布頂之子張格爾之姪鐵完庫里句結前來並無起釁別情見已遠颺兵皆歸伍報聞○辛未諭內閣宗人府
奏遵議定郡王載銓處分一摺載銓著改爲郡王俸二年不准抵銷其所兼領侍衛內大臣著即開除並無庸管理健銳營事務○
壬申賽尚阿程裔采奏據和春等稟報六月二十七日賊由下灌分遣數百人復竄水打鋪二十八日和春親督大兵追至下灌常
祿等兵至甯遠縣城時賊已於是日早由下灌分竄藍山縣之楠禾橋及嘉禾縣城殺傷鄉勇嘉禾失守和春常祿等帶兵跟追沿
途殺賊數十名二十九日紮營嘉禾縣城外之夏門墟初一日和春督同各鎮將兵勇分路進攻該逆見我兵將至城下遂開槍礮
我兵逼近城根奪門而入賊猶有數百人執械巷戰殺賊一二百名餘匪由北門奔逃我軍追至城外十里之西車灣餘賊四散當
於西車灣紮營酌留楚勇四百名守護縣城接捕餘匪撫諭居民查詢城中文武未知下落常祿之兵行抵新田初二日探報行囊
墟地方賊眾數百屯紮桂陽州城業已被陷初三日和春由旌德礮拔營至距桂陽州城十里之七里亭賊猶占踞我兵掩至殺賊
數十名適副將明安泰參將虎嵩林都司米興朝等帶領湖南四川官兵趕到合力同追直至城下斃賊不計其數該逆復由城內
擁出約二三千人勢甚兇很我兵連開槍礮該逆數次撲來均爲我兵壓下是日鏖戰五時之久先後斃賊四百餘名千總馬金柱
及幫帶楚勇把總銀邦光陣亡其餘兵勇亦有傷亡是夜四更州城火起和春傳各營兵勇出隊黎明兵勇翻越山坡遙見該逆已
從東門絡繹前往郴州大路探報初三日該逆竄至郴州奪城占踞此次賊蹤飄忽旬日之間奔竄數百里我軍節節追剿其勢萬
難四面合圍猶幸賊至嘉禾桂陽和春等大軍緊追奮力剿殺賊眾奔竄兩城旋即克復臣賽尚阿臣程裔采究屬未能先事豫籌
駱秉章亦有地方之責相應請旨一併交部議處見在郴州被踞該處地頗豐腴市廛屯聚爲廣東入湖南要口距州四十里河
面船隻甚多一以資賊貽害不淺查該處下游永興耒陽皆爲泊船處所臣程裔采已豫飭地方官將船隻盡行撤去該州水路自
承耒而下直出耒陽河口即達衡州下游逼近長沙陸路由永興可走安仁攸縣等屬更可直達長沙臣屢經函屬臣駱秉章於川
陝新兵陸續到省時截留保衛其先到永州之江西官兵一千名見已飭令趕赴長沙協同固守以重根本臣賽尚阿即於十五日
由永州移營馳赴衡州與臣程裔采會合一處軍中諸事得以籌商調度並飛咨江西撫臣於交界嚴防又疊次飛咨廣東督撫臣
徐廣縉葉名琛於廣東交界嚴防相機派撥兵勇以備迎擊其桂陽進剿陣亡之千總馬金柱把總銀邦光應請飭部議卹又銀邦
光一員自備資斧投效隨同打仗數十餘次實屬奮勇得力今以殺賊臨陣捐軀尤堪憫惜懇交部加等照千總例議卹上諭軍
機大臣等據賽尚阿程裔采馳奏逆匪竄入嘉禾桂陽旋復攻陷郴州一摺逆匪自竄湖南以來勢甚剽悍連陷數城如入無人之
境固由土匪勾結內應何以各州縣地方官兵既不能先事偵緝又不能嬰城固守迨至賊匪棄城逃竄又復任其所之全無抵禦

該大臣奉命出征一年有餘粵楚各處紛紛失守歷次奏報軍情不過派兵尾追並不迎頭截擊出奇制勝所謂調度者安在程商
采籌辦防堵爲日已久何以地方文武毫無布置遇賊撲城竟不能相持數日以待外援耶見在賊已越過永郡踞守郴州勢將下
窺衡郡意圖長沙似此蔓延何所底止賽尙阿見赴衡州與程商未會籌防勒若再失機自贖當得何罪朕已諭令徐廣縉督同福
興帶領精兵數千名馳赴衡州一帶協同剿捕各省續調之兵計已到齊衡湘乃楚南門戶最爲緊要該大臣等務當通盤籌畫激
勵將士分扼要隘趁賊喘息未定時併力夾擊迅掃逆氛尙可稍緩前愆其廣東廣西江西各省交界處所並著隨時知照一體嚴
防毋任竄越羅繞典卽著在長沙省城與駱秉章籌辦防守總須慎密鎮靜緝匪安民毋使人心稍有搖惑將此由六百里諭知賽
尙阿程商采並諭令羅繞典駱秉章知之○諭據賽尙阿等奏湖南逆匪竄擾情形見復攻陷郴州嚴飭督剿一摺逆匪自竄入楚
境以來連陷數城雖土匪勾結滋蔓總因督兵大臣調度失宜將弁不能用命所致現在郴州又復失陷被賊屯踞該處地頗豐腴
市廛屯聚水陸兩路北通衡州長沙而水路尤爲喫緊賊匪勢甚剽悍意存窺伺衡湘爲直撲長沙之計賽尙阿自統領大軍以來
日久無功朕早慮其性情過於恣柔賞罰未能悉當以致將弁等日久生玩不肯用命更恐爲賊匪所竊動輒中其奸計是以前降
旨令該督統兵前赴廣西如賽尙阿病體不支卽接受欽差大臣關防專辦軍務及該督到梧州而桂林匪徒已竄越南彼時艇匪
正須剿洗該督勢難兼顧今潯梧一帶漸次廓清卽各處土匪勢崇光儘可籌辦較之楚匪情形自當先其所急徐廣縉沈毅有爲
朕所深悉前次圍剿凌十八股匪甚爲嚴密卒致殲除波山艇匪亦能剋期剿滅足見用兵之道全在統率得人見在湖南逆賊鴟
張情形甚爲喫重著徐廣縉統兵前往湖南會剿卽將高州鎮總兵福興所帶得勝之兵數千名迅速統帶馳赴衡州一帶扼要調
度毋稍遲延並將此旨宣示賽尙阿卽將欽差大臣關防交徐廣縉祇領軍營及地方文武各員統歸節制該大臣務當整飭紀律
嚴明賞罰以期壁壘一新迅殄羣醜庶釋朕南顧之憂也賽尙阿交卸關防後仍著奏明聽候諭旨至廣西土匪卽責成勞崇光安
爲防剿毋稍疏虞提督向榮或帶往軍營或留廣西督辦土匪並由該大臣酌量飭行將此由六百里諭知徐廣縉並諭勞崇光知
之○諭本日據賽尙阿程商采馳奏賊匪竄踞湖南郴州已有旨諭令徐廣縉由廣西帶兵馳赴湖南會剿所有兩廣總督並欽差
大臣關防著葉名琛署理廣東巡撫卽著柏貴暫署楚粵交界地方防堵緊要該署督務嚴飭提鎮及地方文武員弁隨時偵探扼
要設防儘須越境夾擊毋稍拘泥致失事機至廣西湖南兩省軍餉如有緩不濟急之處該署督撫仍遵前旨無論何款趕緊設法
籌備以資撥解將此由六百里諭知葉名琛並諭令柏貴知之○諭湖廣總督程商未到任以來辦理地方尙無貽誤惟前聞賊匪
一入楚境先由衡州退回省城旋又折赴衡州如此舉動未免張皇恐臨事識力不能堅定致失機宜著徐廣縉詳加訪察如果不
能勝任卽著據實奏聞毋稍徇隱將此附六百里密諭知之○召徐澤醇來京以裕瑞兼署四川總督由成都將○以剿賊無功賽
尙阿程商采駱秉章交部議處○癸酉御史黎吉雲奏湖廣督臣程商采去年奉命馳往廣西防堵該督事駐衡郡城中去廣西界

尚三四百里之遙駐衡幾及一年如結寨築堡守險設伏諸法均未講求當賊破全州渡黃沙河至永州正在抵禦喫緊之際該督乃於四月二十五日微服乘小漁船棄衡州而下城中官民泣畱不得又適接到永州勝仗之報遂於五月初四日復往衡州自該督起程後沿途各屬驚傳制軍逃走均疑永州已破居民相率奔竄老弱婦女投河死者不計其數夫賊蹤尚遠該督舉動一輕遂使數郡居民受害至此臣籍隸湘潭諸所指陳皆有時日可按事蹟可稽既居言職不得不據實直陳又奏臣昨見同鄉信面多言賽尚阿見在患病其言當非憑空結撰臣伏讀本月十四日上諭據奏云該匪不能窺伺甯遠又云竄往下灌地方游弋屯聚臣查下灌即係甯遠所屬之地省郡志可稽該大臣等語涉支離似亦即係精神不能照顧之證當此事情重大若果該大臣患病恐致貽誤軍情上諭軍機大臣等本日有人奏督臣舉動乖方大為民害一摺程需采防堵年餘任令粵匪竄入楚界已有應得之咎復於軍務喫緊之際退回省城以致人心動搖雖旋即折回衡郡而舉動倉皇中情恇怯已可概見著徐廣緝按照摺內所指情節逐一訪察如果確實即行據實參奏毋稍徇隱另片奏傳聞賽尚阿患病甚劇前奏賊竄下灌語涉支離即係精神不能照顧之證等語著一併查明密行覆奏原摺片均鈔給閱看又據副都統阿彥達奏陳軍務四條如募勇宜汰一條頗中時弊一併鈔給閱看著即體察情形酌量辦理軍行首重紀律賞罰尤貴嚴明朕既命徐廣緝為欽差大臣事權歸一自當乘此聲威加整飭各路官兵如有玩誤軍令者即行嚴參治罪參遊以下一面奏聞一面即行正法以肅軍紀而振疲玩至賊匪竄擾郴桂之間意圖下窺衡湘萬分喫緊程需采既不足勝任而賽尚阿又復患病難支朕心實深焦灼著徐廣緝於接奉諭旨後迅速督帶官兵前往並將啟程日期先行馳奏萬不可稍有延緩致誤事機諒該大臣必能統籌全局慰朕廑念也將此由六百里諭令知之○甲戌諭內閣乾隆年間高宗純皇帝特降諭旨以禮義廉恥居官者立身之要侍衛部院司官有見該堂官輒屈一膝者於定制甚為錯謬通行曉諭俱著侍立回事並諭有見王等長跪請安者凡王大臣遇見即行參奏迨嘉慶十八年復奉仁宗睿皇帝明晰申諭聖訓煌煌自當敬謹遵守但恐日久玩生仍蹈卑鄙諂諛之習不可不重申諭禁嗣後各臣工於親王郡王遇有公事接見禮儀自有定分不得長跪請安其侍衛部院司員接見本管堂官止應侍立回事儻有不遵定制屈膝請安者即著指名參奏以肅體制而除陋習將此通諭知之○諭昨因協辦大學士杜受田於差次溘逝業經降旨加恩茲據禮部查明應得卹典奏請予諡因思杜受田品端學粹正色立朝皇考宣宗成皇帝深加倚重特簡為朕師傅憶在書齋朝夕納誨凡所陳說悉本唐虞三代聖賢相傳之旨實能發明禮典體用兼該朕登極後周諮時政利弊民生疾苦亦能盡心獻替啟沃良多嘉慶年間大學士朱珪仰蒙皇祖仁宗睿皇帝鑒其品節特諡文正杜受田公忠正直媲美前賢揆諸諡法實足以當正字而無愧無庸俟內閣擬請著卹賜諡文正其餘一切卹典均著照禮部所請辦理用示朕眷懷舊學崇錫令名至意○諭吏部等衙門奏遵議恆春等處分一摺刑部尚書恆春侍郎書元均著改為降四級調用內閣學士戴齡侍讀許誦恆均著改為降二級調用潘世恩卓秉恬祁寯藻柏後周培麟魁

吳鍾駿黃湯錫齡文慶慈麻富呢雅杭阿潘曾璧潘曾綬等名豐均著改為副俸半年不准抵銷○諭軍機大臣等常大清奉
勅岳州水陸要隘籌防各事宜並請補調鄂省官兵一摺現在辦匪宜踞鄂州意圖下窺衡湘資向阿程橋采合駐衡郡羅統與
秉章駐守長沙復派徐廣緒督帶粵東兵勇馳赴湖南會同剿辦各省續調官兵計日亦可到齊衡湘一帶大兵雲集當不致任賊
北竄惟兩楚地界處處毗連自應扼要豫防所有常大清親赴岳州籌備洞庭湖漁船團練堵禦各事宜均著照所議辦理據稱湖
北防堵陸路兵力尙單本日已寄諭蔣文慶陸應穀於安徽省挑取精兵一千名河南省挑取精兵二千名派定管帶將弁配足軍
裝器械豫備調遣著常大清隨時確切偵探如湖南剿辦得手徵調自可從緩僅有警信即行飛調皖豫距楚較近亦不至有誤事
機另片奏籌防荊州一帶並咨調駐防滿洲營兵一千四百名分撥駐防等語著會同將軍台湧提督博勒恭武熟籌妥辦台湧應
駐何處自應體察情形扼要駐紮以便調度該將軍巡撫提督等總須慎密籌防尤當持以鎮靜不可稍涉張皇致滋驚擾將此由
五百里諭知常大清並諭台湧博勒恭武知之○諭阿克星額桂齡奏續有另股安集延賊匪突入卡倫滋擾經官兵迎擊得勝一
摺該匪等屢次入卡滋擾見難擊敗逃走而首逆未除難保不再行勾結乘隙伺著該大臣等飭令各卡倫隘口嚴防密探儻仍
敢糾眾入卡即激勵官兵務期悉數殲擒毋致稍有疏縱此次罕獲賊犯同前次罕獲之密呢雅斯等四人著一併交葉爾羌參贊
大臣於審明後即行正法將此諭令知之○諭阿靈阿爲刑部尚書以麟魁爲工部尚書由戶部右侍郎遷○命安徽選兵一千名河南選
兵二千名豫備湖北咨調○乙亥調德興爲刑部左侍郎全慶爲戶部左侍郎以愛仁爲吏部右侍郎由大理寺卿遷○以青麐爲戶部右
侍郎由內閣學士遷○接河南藩庫銀二十五萬兩備東河防險工需○是月免江蘇海運沙船旗丁應賠遭風漂失米安徽和州借修官
圩未完攤徵銀錢徵廣東佛岡等十五廳州縣道光三十年被擾通賊浙江定海應減徵額賦
八月己卯朔諭內閣前據稽壽奏浙省漕糧籌辦情形一摺當交戶部速議茲據該部議奏見在江安等幫業已截至清甯則浙漕
之跟幫北上不至阻滯自應如該撫所奏一律催趲迅速轉運著陸建瀛楊殿邦嚴飭所屬妥速籌辦不得再有稽遲致
該省幫船至七月中旬尙未全入蘇境如此貽誤實從來所未有該漕督及該撫糧道等所司何事所有漕運總督楊殿邦前任浙
江巡撫常大清署浙江巡撫稽壽浙江糧道胡元博均著交部分別議處以示懲儆並著吏兵二部查取浙江省經管運糧河道及
總運領運各職名一併分別議處○徐廣縉奏七月十一日奉到諭旨飭令提督向榮接印任事十二日該提臣函稱已准撫臣勞
崇光恭錄諭旨知照惟因病難速痊求代爲奏請開缺等情接閱之下殊深駭異查向榮屢經棄職錄用高天厚地捐糜難酬乃
六月二十七日先已接印任事七月初六日奉到上諭之後竟敢藉詞病難速痊求爲奏請開缺實屬喪心昧良見當楚粵兩省
防剿喫緊之時儻武員相率效尤何以挽將士驕蹇之頑風而宏國家駕馭之遠略相應請旨將向榮革職發往新疆充當苦差以
爲藉病現避者戒上諭朕因向榮久歷戎行才尙可用於道光三十年八月特旨調任廣西該提督到任以來偶有戰功無不立

加優敘其官科古束兩次戰敗輒卽稱病遲延久曠職守朕以忠厚待人不爲逆億僅予薄懲旋復任提督賞還花翎並念其保守省城勞績開復革職畱任處分加恩伊子向繼雄以同知用前據吳文銘張亮基參其夸詐冒功飾智欺人徐廣緒亦參其趨避過明非人是已朕俱不爲深究該提督宜如何激發天良痛改積習感朕棄瑕錄用之恩力圖報效立功之效乃本日據徐廣緒參奏向榮於六月二十七日先已接印至七月初六日奉到飭令任事之旨竟稱病難速痊求該督奏請開缺朕不料向榮喪心昧良膽大藐玩至於此極國家用人原期其才能幹濟卽使功過不掩亦不妨舍短取長若向榮如此存心殊出情理之外見當粵楚軍務喫緊之際文武員弁殫智竭力之時而該提督從容觀望竟欲置身局外且可藉口於朝廷不能用其才統帥不能盡其力若軍營相率效尤兵驕將玩更復何所懲戒耶向榮著卽革職發往新疆效力贖罪以爲孤恩巧避者戒○諭軍機大臣等前因湖南賊匪連陷數城竄向阿統領大軍日久無功諭令徐廣緒帶兵馳往祇領欽差大臣關防軍營乃地方文武統歸節制本日據奏籌辦剿捕廣西土匪各事宜均屬周妥惟見在湖南情形甚爲緊要該大臣仍當先其所急所有廣西各處土匪應如何派員防剿分別布置之處卽著勞崇光專司督辦該大臣接奉前旨著卽帶兵馳赴衡州相機籌畫調度勿令賊匪下窺衡湘致難措手總兵福興本日已補授廣西提督如須帶往湖南差遣其提督印務卽行派員署理湖南永州鎮總兵孫應照是否得力並著隨時察看據實具奏如不勝任卽派員署理毋令貽誤該大臣所參向榮湯倭各員均能不避嫌怨忠悃可嘉此次前往湖南督辦軍務必能酌量緩急輕重秉公舉劾俾將士感奮用命迅掃妖氛以慰朕望也將此由六百里諭令徐廣緒並諭勞崇光知之○閩浙總督李芝昌奏假限已滿病勢未減懇請開缺得旨著暫緩開缺海疆要地一切吏治營伍責賴卿整飭卿其緩緩調理不必性急以陶樞爲內閣學士^{由太常寺卿遷}○庚辰吏部遵議欽差大臣賽尚阿湖廣總督程宗采前任湖南巡撫駱秉章處分請照溺職例革職得旨賽尚阿程宗采駱秉章均著加恩改爲革職畱任○癸未初舉經筵進官告祭 奉先殿 上詣傳心殿行禮御文華殿經筵禮成幸文淵閣賜講官及聽講諸臣茶復賜宴於本仁殿自是以爲常○以恭送 宣宗成皇帝聖容至盛京供奉加正黃旗護軍統領綿勳等級 甲申諭軍機大臣等陸建瀛奏江西防堵緊要擬卽親赴會商辦理又奏浙漕遲緩情形各一摺另片奏堵築豐工請派大員督辦等語逆匪竄踞湖南郴州東與江西交界前已飭令陸元烺派兵防堵本日又降旨令羅繞典署理江西巡撫就近由湖南馳往辦理防堵事宜該督所請馳赴揚州趕辦鹽務奏銷卽回省清釐積案後以閱兵爲名親赴江西商辦防堵自係爲軍務緊要起見惟見在江南省河工漕務鹽務皆屬刻不可緩且皆該督經手專責之事豈可暫離更易生手所請親往江西察看防堵著毋庸議自應行咨會羅繞典之處隨時酌辦亦尚不至輟長莫及其安徽備調官兵一千名本日已寄諭蔣文慶仍卽調赴湖北儘江西兵力不敷著該督酌量另籌調遣至豐工缺口陸建瀛樹以增原係失事之人自請戴罪於秋間堵築朕以使功不如使過且該督辦事素能任勞任怨仍令與楊以增一手辦理以期於事有濟酌降諭旨甚明何以此時忽請另派大員臨工督辦若因原派委員